



Broj: 01-30-32-1 /21/AZ

Datum: 26.01.2021. godine

Na osnovu člana 34. Zakona o radu („Službene novine Federacije BiH“, br. 26/16 i 89/18), i člana 15. Pravilnika o unutrašnjoj organizaciji Federalne agencije za upravljanje oduzetom imovinom broj: 01-02-2-158/19 od 13.05.2019. godine, te Odluke direktora Federalne agencije za upravljanje oduzetom imovinom broj: 01-30-32/21 o prijemu lica radi stručnog osposobljavanja bez zasnivanja radnog odnosa, direktor Federalne agencije za upravljanje oduzetom imovinom, raspisuje

JAVNI OGLAS

za prijem lica radi stručnog osposobljavanja bez zasnivanja radnog odnosa (volontera) u Federalnu agenciju za upravljanje oduzetom imovinom

I. NAZIV POZICIJE

Raspisuje se Javni oglas za prijem lica radi stručnog osposobljavanja bez zasnivanja radnog odnosa (volontera) u Federalnoj agenciji za upravljanje oduzetom imovinom u cilju stručnog osposobljavanja bez zasnivanja radnog odnosa nakon završenog školovanja, odnosno u cilju sticanja radnog iskustva za polaganje stručnog upravnog ispita:

1. Lice sa VSS/VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – pravne struke – 1 (jedan) izvršilac.

Prijem lica na stručno osposobljavanje bez zasnivanja radnog odnosa (volontera) vrši se na određeno vrijeme, najduže do 12 mjeseci.

Na javni oglas se mogu prijaviti lica koja poslije završenog studija nemaju uopće radnog iskustva.

II. UVJETI

Pored općih uvjeta predviđenih članom 25. stav (1) Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06, 77/06, 4/12, 99/15 i 9/17 – Presuda Ustavnog suda Federacije Bosne i Hercegovine, broj U-13/16), kandidati trebaju ispunjavati i sljedeće posebne uvjete i to:

1. **Završen studij za sticanje visoke stručne spreme - VII stepen, odnosno najmanje I ciklus studija po bolonjskom sistemu studiranja sa ostvarenih najmanje 180 ECTS bodova pravne struke;**
2. **Da nemaju ostvaren radni staž i radno iskustvo od jedne godine i više nakon diplomiranja;**
3. **Poznavanje rada na računaru;**
4. **Aktivno poznavanje engleskog jezika.**

III. POTREBNI DOKUMENTI

1. Uvjerenje o državljanstvu ne starije od šest mjeseci od dana izdavanja uvjerenja od strane nadležnog organa;
2. Fakultetska diploma – VSS – VII stepen stručne spreme ili visoko obrazovanje prvog (najmanje 180 ECTS bodova) ili drugog ili trećeg ciklusa Bolonjskog sistema studiranja – pravne struke.
3. Uvjerenje da se kandidat nalazi na evidenciji Zavoda za zapošljavanje (ne starije od tri mjeseca);
4. Ovjerena izjava da kandidat nema ostvaren radni staž ili iskustvo od jedne godine i više nakon diplomiranja;
5. Dokaz/certifikat o poznavanju rada na računaru.
6. Dokaz o ponavljanju engleskog jezika

IV. ROK I MJESTO PODNOŠENJA PRIJAVA

Prijavu na Javni oglas sa traženim dokumentima potrebno je dostaviti najkasnije 15 dana od dana objave Javnog oglasa u dnevnim listovima „Dnevni avaz“ i „Dnevni list“, putem pošte, preporučeno na adresu:

Federalna agencija za upravljanje oduzetom imovinom
Put života broj 2
71 000 Sarajevo
sa naznakom:
„Javni oglas za prijem volontera“

Nepotpune i neblagovremene prijave neće se uzeti u razmatranje.

Javni oglas objavit će se i na Internet stranici Federalne agencije za upravljanje oduzetom imovinom www.fazuoi.gov.ba

Napomena:

Dokumenti iz tačke III. Kojima se dokazuje ispunjavanje općih i posebnih uvjeta ovog oglasa prilažu se uz prijavu u originalu ili ovjerenoj kopiji na jednom od službenih jezika koji su u upotrebi u organima državne službe u Bosni i Hercegovini.

Komisija za prijem lica radi stručnog osposobljavanja bez zasnivanja radnog odnosa (volontera) u Federalnoj agenciji za upravljanje oduzetom imovinom sačinjit će listu kandidata koji ispunjavaju uvjete iz Javnog oglasa, sa kojima će biti obavljen intervju, a na osnovu kojeg će se izvršiti izbor kandidata.

U skladu sa članom 26. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“; br. 45/10, 111/12 i 20/17), volonteri visoke stručne spreme u organu državne službe imaju pravo na naknadu u iznosu od 35 % od osnovne plaće stručnog saradnika.


DIREKTOR
doc. dr. sci. Vinko Jakić